

ZAPISNIK
SA XVI PROŠIRENE SJEDNICE UPRAVNOG ODBORA
UDRUŽENJA POSLODAVACA FBiH
održane dana 18.12.2018. godine (utorak), sa početkom u 11:30 sati u hotelu Bosnia
(Kulovića 9.), u Sarajevu.

Sjednici su prisustvovali članovi Upravnog odbora UPFBiH: Adnan Smailbegović i Suad Ećo,

Sjednici su po ovlaštenju članova Upravnog odbora UPFBiH prisustvovali: Davor Tomić (po ovlaštenju Krasnodara Darko Petrović), Amir Međić (po ovlaštenju Ramiza Grapkića), Samir Alić (po ovlaštenju Snježane Kopruner), Nedžad Sadić (po ovlaštenju Rusmira Hrvica), Jakub Čehić (po ovlaštenju Nijaza Skenderagića), Ena Hero (po ovlaštenju Kemala Čolaka) i Alija Čolaković (po ovlaštenju Nurdina Peštalića).

Sjednici nisu prisustvovali članovi Upravnog odbora UPFBiH: Mario Čulina, Izet Imamović, Eldin Hadžiselimović, Vilim Primorac, Safudin Čengiđ, Kemal Hrnjić, Tomislav Slišković, Sanel Kusturica, Adisa Karahodžić, Ante Suton, Marin Raspudić i Enisa Bekto, koji su opravdali svoje odsustvo.

Ispred UP FBiH: Mladen Pandurević i Mersiha Jusić.

Sjednicu je otvorio predsjednik Upravnog odbora UP FBiH Adnan Smailbegović i zamolio direktora Mladena Pandurevića da vodi sjednicu. Direktor je predložio slijedeći:

DNEVNI RED

1. Usvajanje Zapisnika sa XIV sjednice Upravnog odbora UPFBiH;
2. Zauzimanje stavova UPFBiH vezano za „najavljeno povećanje cijene električne energije za privredu“
3. Donošenje Odluke o potpisivanju Sporazuma o saradnji sa Ekonomskim fakultetom Univerziteta u Sarajevu;
4. Donošenje Odluke o usvajanju Koncept Note „Jačanje kapaciteta i pregovaračkih vještina za Kolektivno pregovaranje“;
5. Donošenje Odluke o imenovanju predstavnika UPFBiH za članove Komisije za tumačenje KU za djelatnost tekstilne, industrije kože, gume i obuće;
6. Donošenje Odluke o produženju mandata Pregovaračkom timu za zaključivanje Kolektivnog ugovora za djelatnost hemije i nemetala;
7. Razmatranje Prednacrtu Zakona o reprezentativnosti sindikata i Udruženja poslodavaca;
8. Razmatranje Prijedloga Uredbe o postupku prijema u radni odnos u javnom sektoru u FBiH;
9. Razmatranje Prijedloga Pravilnika o postupku utvrđivanja i postupku revizije radnih mjesta na kojima se staž osiguranja računa sa uvećanim trajanjem;
10. Tekuća pitanja

Dnevni red je usvojen jednoglasno.

RASPRAVLJANJE PO TAČKAMA DNEVNOG REDA

Tačka 1. Usvajanje zapisnika sa XV proširene sjednice UO UP FBiH

Direktor je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

A.D.1.: Zapisnik sa XV proširene sjednice UO UP FBiH je jednoglasno usvojen.

Tačka 2. Zauzimanje stavova UPFBiH vezano za „najavljeno povećanje cijene električne energije za privredu“

Vezano za ovu tačku dnevnog reda direktor je upoznao prisutne da je neposredno pred sastanak Uo održan sastanak rukovodstva UPFBiH sa premijerom Vlade FBiH, nadležnim ministrom te rukovodstvom Elektroprivrede te da je postignut dogovor, te predlaže da se u okviru ove tačke ne zauzimaju stavovi već informacija o održanom sastanku primi k znanju.

Direktor je zamolio predsjednika Adnana Smailbegovića da informiše prisutne o održanom sastanku.

Predsjednik je istaknuo da su nakon nekoliko održanih sastanaka, predstavnici EPFBiH i Vlade FBiH uvažili argumentirane zahtjeve Udruženja poslodavaca FBiH, što je u konačnici rezultiralo značajnim korigovanjem najavljenog povećanja cijena električne energije i to u iznosu od 1.7 i 4.9 posto u odnosu na prosječnu cijenu u 2018. godini, ali i mogućnošću dogovora za dodatno smanjenje cijena električne energije do 0,5 posto, što će se regulirati pojedinačnim pregovorima između poslovnih subjekata i EPFBiH.

Također, EPBiH i Vlada FBiH su prihvatili zahtjev UPFBiH da se na do sada potpisane ugovore s poslovnim subjektima o povećanju cijena električne energije za narednu godinu, urade aneksi sa korigovanim povećanjem cijena električne energije dogovorene na sastanku u Vladi FBiH u utorak, kako ove firme ne bi bile u neravnopravnom položaju u odnosu na druge.

Predsjednik je istaknuo da je prvobitno bilo najavljeno povećanje cijena električne energije za **15 do 18 posto**, a u nekim slučajevima čak i 30 posto za poslovne subjekte, na što je UPFBiH pokrenulo niz aktivnosti, formuliralo zahtjeve i alarmiralo poslovnu zajednicu i FBiH ukazujući na sve negativne posljedice prvobitno najavljenog povećanja kako za poslovne subjekte u FBiH, tako i za građane.

Također naglasio je da će za neke poslovne subjekte u FBiH cijena električne energije biti i jeftinija u odnosu na cijene koje su plaćali u ovoj godini.

Imajući u vidu početne pozicije i zahtjeve za poskupljenje cijena električne energije koji su išli i do 30 posto za pojedine poslovne subjekte u Federaciji BiH, predsjednik je istako da tim koji je učestvovao na sastancima nije sretan sa posvećanjem cijena električne energije, ali je zadovoljan postignutim dogovorom, naročito ako se ima u vidu činjenica da se korigovano povećanje cijena električne energije odnosi na cijelu narednu godinu, tako da poslovni subjekti u FBiH mogu sa više sigurnosti realizirati planove za narednu godinu, naročito one koji se odnose na investicije, otvaranje novih radnih mjesta i izvoz. Za poslovne subjekte u FBiH je to od izuzetne važnosti u smislu stabilnijeg poslovanja u narednoj 2019. godini.

U diskusiji su učestvovali predstavnici UPFBiH, Eldin Tabukčić i Nair Biju koji su učestvovali na sastancima, te potvrdili informaciju predsjednika ističući da se zaista tokom sastanaka UPFBiH aktivno uključilo u rješavanje ovog problema.

Muhamed Žero je pozdravio aktivnosti Udruženaj ističući da je ovo primjer da se ipak zajednički mogu postići određeni rezultati.

Nakon diskusije doneseni su sljedeći zaključci:

A.D.2.1. Upravni odbor je primio k znanju informaciju o postignutom dogovoru o povećanju cijene električne energije.

A.D.2.2. Unutar UPFBiH će se do kraja januara formirati tijelo koje će kontinuirano pratiti cijene energenata i komunalnih usluga, te preventivno dijelovati kako ne bi došlo do neopravdanih povećanja cijena.

Tačka 3. Donošenje Odluke o potpisivanju Sporazuma o saradnji sa Ekonomskim fakultetom Univerziteta u Sarajevu;

Direktor UPFBiH je upoznao prisutne da je održao sastanak sa dekanesom Ekonomskog fakulteta Univerziteta u Sarajevu na kojem se dogovorili potpisivanje Sporazuma o saradnji sa Ekonomskim fakultetom Univerziteta u Sarajevu a u cilju saradnje u izradi i inoviranju nastavnih planova i programa, evaluaciju istih, realizaciju praktičnog dijela nastave, kreiranju ishoda učenja u skladu sa potrebama tržišta rada itd.

Nakon diskusije donesen je sljedeći zaključak:

A.D. 3.1. Upravni odbor je jednoglasno prihvatio prijedlog Sporazuma o saradnji sa Ekonomskim fakultetom Univerziteta u Sarajevu, te ovlastio predsjednika UO da u ime Udruženja poslodavaca FBiH potpiše Sporazum.

Tačka 4. Donošenje Odluke o usvajanju Koncept Note „Jačanje kapaciteta i pregovaračkih vještina za Kolektivno pregovaranje“;

Vežano za ovu tačku dnevnog reda direktor je istakao da je stručna služba pripremila prijedlog Projekta (Concept Notu) „Jačanje kapaciteta i pregovaračkih vještina za kolektivno pregovaranje“

koji je uputila Međunarodnoj organizaciji rada, te da UO zbog procedura ILO treba da odobri navedenu Concept Notu.

Nakon diskusije donesen je sljedeći zaključak:

A.D. 4.1. Upravni odbor je podržao Concet Notu „Jačanje kapaciteta i pregovaračkih vještina“ i ovlastio direktora da poduzme sve dalje aktivnosti vezano za odobrenje Projekta i potpisivanje Ugvora sa ILO-om.

Tačka 5. Donošenje Odluke o imenovanju predstavnika UPFBiH za članove Komisije za tumačenje KU za djelatnost tekstilne, industrije kože, gume i obuće;

Direktor je upoznao prisutne vezano za ovu tačku dnevnog reda ističući da je prijedlog da se za članove Komisije za tumačenje KU za djelatnost tekstilne, industrije kože, gume i obuće ispred UPFBiH odnosno Grupacije tekstila imenuje Behrija Huseinbegović, Makama d.o.o. i Muhamed Vrabac, Prevent d.o.o. koji su bili članovi pregovaračkog tima za potpisivanje navedenog Kolektivnog Ugvoora.

Nakon diskusije donesen je sljedeći zaključak:

A.D. 5.1. Upravni odbor je jednoglasno donio Odluku da se u Komisiju za tumačenje KU za djelatnost tekstilne, industrije kože, gume i obuće imenuju Behrija Huseinbegović, Makama d.o.o. i Muhamed Vrabac, Prevent d.o.o.

Tačka 6. Donošenje Odluke o produženju mandata Pregovaračkom timu za zaključivanje Kolektivnog ugovora za djelatnost hemije i nemetala;

Direktor UPFBiH je istakao da je pregovaračkom timu za zaključivanje Kolektivnog ugovora za djelatnost hemije i nemetala istekao mandat, a obzirom da KU nije zaključen predlaže se da mandat produži najdalje do 15.02.2019. godine.

Nakon diskusije donesen je sljedeći zaključak:

A.D. 6.1. UO je jednoglasno donio Odluku kojom se Pregovaračkom timu za zaključivanje Kolektivnog ugovora za djelatnost hemije i nemetala, imenovanom 11.01.2018. godine, Odlukom broj: I-013/18 i Odlukom broj I-141/18 od 12.06.2018. godine produžava mandat najdalje do 15.02.2019. godine. Ukoliko se do 15.02. 2019. godine ne zaključi Kolektivni ugovor za djelatnost hemije i nemetala za teritoriju FBiH, prestaje mandat imenovanom pregovaračkom timu.

Tačka 7. Razmatranje Prednacrtu Zakona o reprezentativnosti sindikata i Udruženja poslodavaca;

Vezano za ovu tačku dnevnog reda direktor je izvjestio prisutne da je stručna služba pripremila intervencije odnosno primjedbe na Prednacrt Zakona koje je ministrastvo za rad i socijalnu politiku dostavilo na mišljenje. Primjedbe idu u pravcu da se predloži posebno reprezenativnost za učešće u tripartitnim tijelima a posebno u kolektivnom pregovaranju. Također, potrebno je

povećati uslove za reprezentativnost. Zamolio je UO da podrži primjedbe koje je pripremila stručna služba.

Nakon diskusije donesen je sljedeći zaključak:

A.D. 7.1. Upravni odbor je jednoglasno podržao primjedbe na Zakon o reprezentativnosti sindikata i Udruženja poslodavaca koje je pripremila stručna služba.

Tačka 8. Razmatranje Prijedloga Uredbe o postupku prijema u radni odnos u javnom sektoru u FBiH;

Direktor je obavijestio prisutne da je Ministarstvo za rad i socijalnu politiku, dostavilo Udruženju poslodavaca u FBiH, Prijedlog Uredbe o postupku prijema u radni odnos u javnom sektoru u FBiH sa zahtjevom za dostavljanje mišljenja. U cilju pripreme konačnih primjedbi, UPFBiH je organizovalo sastanak članica predstavnika kompanija javnih preduzeća i preduzeća sa većinskim državnim vlasništvom. Na navedenom sastanku su iznesene brojne primjedbe i donesen je jednoglasan zaključak da je Prijedlog Uredbe neprihvatljiv te da je potrebno hitno izmjeniti tekst u skladu sa primjedbama koje će stručna služba UPFBiH pripremiti i dostaviti Ministarstvu za rad i socijalnu politiku. Također zaključak sa sastanka je da se nakon dostavljanja primjedbi od strane UPFBiH organizuje sastanak sa Ministarstvom i Vladom FBiH.

U diskusiji su učestvovali svi prisutni koji su ocijenili da je potrebno podržati primjedbe na Uredbu.

Suad Ećo je predložio da bi UPFBiH ponovno trebalo da obnovi inicijativu UPFBiH za učešće u upravljačkim strukturama javnih preduzeća i vanbudžetskih fondova.

Nakon diskusije doneseni su sljedeći zaključci:

A.D. 8.1. Vezano za Uredbu jednoglasno je zaključeno da će UPFBiH intervenisati u ovom slučaju u onom obliku u kojem će u potpunosti zaštititi članice UPFBiH.

A.D. 8.2. Reaktivirati inicijativu UPFBiH na federalnim i na kantonalnim nivoima o uključivanju predstavnika UPFBiH u upravne i nadzorne odbore svih fondova i javnih preduzeća.

Tačka 9. Razmatranje Prijedloga Pravilnika o postupku utvrđivanja i postupku revizije radnih mjesta na kojima se staž osiguranja računa sa uvećanim trajanjem;

Vezano za ovu tačku dnevnog reda direktor je upoznao prisutne, da je Udruženje poslodavaca uspjelo u Zakonu o PIO da nadležnost za utvrđivanje radnih mjesta na kojima se staž osiguranja računa sa uvećanim trajanjem sa Fonda PIO prebaci na Ministarstvo za rad i socijalnu politiku. Bez obzira na navedene činjenice FOND PIO je ponovno 03.12.2018. godine donio Pravilnik o postupku utvrđivanja i postupku revizije radnih mjesta na kojima se staž osiguranja računa sa uvećanim trajanjem i objavio u „Službenim novinama Federacije BiH“ broj 96/18. Udruženje poslodavaca u FBiH je zatečeno ovom aktivnosti te odmah reagovalo prema Ministarstvu za rad i socijalnu politiku. Na intervenciju Udruženja poslodavaca Federalni zavod PIO poništio Pravilnik čije je objavljivanje bilo u suprotnosti sa članom 33. i članom 149. Zakona o Penzijskom i

invalidskom osiguranju („Službene novine FBiH“ broj 13/18).

Predložna rješenja objavljenog Pravilnika su potpuno u suprotnosti sa Konvencijama MOR-a, Direktivama EU, te nisu ni u skladu sa rješenjima u zemljama u okruženju i zemljama EU. Predloženim rješenjima u Pravilniku ponovno se uvode nova opterećenja za poslodavce, a što je u suprotnosti sa reformskom agendom.

Udruženje poslodavaca u FBiH će biti aktivno uključeno u izradu Pravilnika, te predložiti rješenja koja će rasteretiti poslodavce na način da troškove utvrđivanja radnih mjesta treba da snosi ministarstvo ili Fond PIO.

Nakon diskusije donesen je sljedeći zaključak:

A.D. 9.1. Upravni odbor je podržao prijedlog da UPFBiH pripremi primjedbe na Prijedlog Pravilnika, u cilju da se troškovi utvrđivanja sa poslodavca prebace na teret države, s tim da se tehnološkim i tehničkim unaprjeđenjima kao i unaprjeđenjem zaštite na radu broj radnih mjesta sa uvećanim trajanjem treba da smanjuje a ne da povećava.

Tačka 10. Tekuća pitanja

Pod tekućim pitanjima razmatrano je o tradicionalnom novogodišnjem okupljanju Udruženja poslodavaca FBiH i Inicijativi o zabrani rada nedjeljom.

Direktor UPFBiH je informisao prisutne da je novogodišnji prijem zbog prezauletosti sala prebačen za 17.01.2019. godine.

Vezano za Inicijativu za zabranu rada nedjeljom Upravni odbor je jednoglasno podržao prijedlog da se o inicijativi treba izjasniti Grupacija poslodavaca za djelatnost trgovine obzirom da će to najviše pogoditi ovu djelatnost, te je predloženo da Predsjednik Grupacije Edin Ibrahimović u toku sljedeće sedmice sazove prošireniu UO Grupacije poslodavaca za djelatnost trgovine na kojoj će se raspravljati o navedenoj Inicijativi.

Sjednica se završila u 13:20 sati
Zapisnik sačinila: Mersiha Jusić

Predsjednik UO

Adnan Smailbegović